

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O JEDINSTVENOM REGISTRU TAKSI I NAKNADA
U FEDERACIJI BOSNE I HERCEGOVINE**

Sarajevo, februar 2020. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Odredbama člana 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), propisuje se da kada nije u pitanju složen i obiman zakon, podnosilac prijedloga zakona može umjesto nacrtu podnijeti prijedlog zakona i predložiti da se prijedlog zakona pretresa po skraćenom postupku bez nacrtu zakona.

Također, u članu 164. stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) propisuje se kada je to programom rada Doma naroda predviđeno ili kada nije u pitanju složen i obiman zakon, podnosilac prijedloga zakona može umjesto nacrtu podnijeti prijedlog zakona i predložiti da se prijedlog zakona raspravlja po skraćenom postupku bez nacrtu zakona.

S obzirom da se predloženim zakonom samo uspostavlja Jedinствeni registar такси i naknada u Federaciji Bosne i Hercegovine koji predstavlja elektronsku bazu podataka u kojoj se prikupljaju, unose i pohranjuju podaci o taksama i naknadama u Federaciji Bosne i Hercegovine koji se kao javni prihodi prikupljanju po federalnim ili kantonalnim propisima, te propisima jedinica lokalne samouprave, zakon nije obiman i složen, te ispunjava kriterije propisane članom 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i članom 164. stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) da se razmatra po skraćenom postupku.

**ZAKON
O JEDINSTVENOM REGISTRU TAKSI I NAKNADA
U FEDERACIJI BOSNE I HERCEGOVINE**

I. OPĆE ODREDBE

Član 1.

(Predmet zakona)

- (1) Ovim zakonom uređuje se uspostava, ažuriranje i vođenje registra taksi i naknada u Federaciji Bosne i Hercegovine, postupak upisa u registar, način i uslovi ažuriranja registra, odgovornost za vođenje registra, nadzor nad provođenjem zakona, kaznene odredbe i druga pitanja od značaja za registar taksi i naknada u Federaciji Bosne i Hercegovine (u daljem tekstu: Federacija).
- (2) Pod taksama i naknadama, u smislu stava (1) ovog člana, smatraju se takse i naknade koje se uvode federalnim i kantonalnim propisima, kao i propisima koje donose nadležni organi jedinica lokalne samouprave, a koje se iskazuju i pripadaju budžetima u skladu sa posebnim propisom.

Član 2.

(Hitnost upisa)

Postupak upisa u registar taksi i naknada u Federaciji je hitan, jednoobrazan i primjenjiv na organe uprave na svim nivoima vlasti u Federaciji.

Član 3.

(Principi registra)

- (1) Registar naknada i taksi u Federaciji ima za cilj da osigura poštivanje principa zakonitosti, transparentnosti i jednoobraznosti informacija o taksama i naknadama.
- (2) Princip zakonitosti, u smislu ovog zakona, znači da je svaka taksa i naknada propisana zakonom ili drugim propisom donesenim na osnovu zakona od strane federalnih i kantonalnih organa i jedinica lokalne samouprave.
- (3) Princip transparentnosti, u smislu ovog zakona, znači da je registar informativan i javan, te da sadrži sveobuhvatne informacije o taksama i naknadama.
- (4) Princip jednoobraznosti, u smislu ovog zakona, znači da se informacije u registru utvrđuju jednoobrazno.

II. OBVEZNICI USPOSTAVE, AŽURIRANJA, IZVJEŠTAVANJA I VOĐENJA REGISTRA

Član 4.

(Obveznik uspostave i vođenja registra)

- (1) Federalno ministarstvo finansija uspostavlja početni registar taksi i naknada (u daljem tekstu: Početni registar).
- (2) Obveznik vođenja registra taksi i naknada je Federalno ministarstvo finansija.

Član 5.

(Obveznik ažuriranja podataka u registru)

Obveznik ažuriranja podataka u registru je Federalno ministarstvo finansija, kantonalno ministarstvo finansija i služba za upravu jedinice lokalne samouprave nadležna za poslove finansija, po osnovu dostavljenih prijava obveznika izvještavanja, svako u okviru svog nivoa vlasti.

Član 6.

(Obveznik izvještavanja podataka za registar)

Obveznik izvještavanja podataka za registar su svi organi uprave i organizacije na svim nivoima vlasti u Federaciji, koji su ovlašteni obrađivači ili predlagači propisa koji uređuju takse i naknade.

III. POČETNI REGISTAR

Član 7.

(Početni registar)

- (1) Početni registar služi kao osnova za uspostavu Jedininstvenog registra naknada i taksi u Federaciji (u daljem tekstu: Jedininstveni registar) nakon provedenog postupka provjere tačnosti i sveobuhvatnosti unesenih podataka od strane obveznika iz člana 6. ovog zakona, te postupka unosa i ispravki podataka na način propisan ovim zakonom od strane obveznika iz člana 5. ovog zakona.
- (2) Početni registar je javan i objavljuje se na službenoj internet stranici Federalnog ministarstva finansija.
- (3) Početni registar iz stava (1) ovog člana uspostavlja se danom stupanja na snagu ovog zakona.
- (4) Početni registar sadrži preliminarne podatke o svim pojedinačnim taksama i naknadama utvrđenim na osnovu propisa.

Član 8.

(Provjera podataka u Početnom registru)

- (1) Obveznici iz člana 6. ovog zakona koji djeluju na federalnom nivou vlasti, dužni su u roku od 90 dana od dana stupanja na snagu ovog zakona, izvršiti provjeru tačnosti i sveobuhvatnosti unesenih podataka u Početni registar, koje su utvrđene propisima iz nadležnosti Federacije i dostaviti Federalnom ministarstvu finansija, ispravke ili/i dopune podataka na način propisan podzakonskim aktom.
- (2) Obveznici iz člana 6. ovog zakona koji djeluju na kantonalnom nivou vlasti, dužni su u roku od 90 dana od dana stupanja na snagu ovog zakona, izvršiti provjeru tačnosti i sveobuhvatnosti unesenih podataka u Početni registar, koje su utvrđene propisima iz nadležnosti kantona i dostaviti kantonalnom ministarstvu finansija, ispravke ili/i dopune podataka na način propisan podzakonskim aktom.
- (3) Obveznici iz člana 6. ovog zakona koji djeluju na nivou vlasti jedinica lokalne samouprave, dužni su u roku od 90 dana od dana stupanja na snagu ovog zakona, izvršiti provjeru tačnosti i sveobuhvatnosti unesenih podataka u Početni registar, koje su utvrđene propisima iz nadležnosti jedinica lokalne samouprave i dostaviti obvezniku ažuriranja podataka tog nivoa vlasti, ispravke ili/i dopune podataka na način propisan podzakonskim aktom.
- (4) U slučaju da je nakon izvršene provjere iz st. (1) do (3) ovog člana, konstatovano da su podaci u Početnom registru tačni i sveobuhvatni, o istom je potrebno pismeno obavijestiti obveznika iz člana 5. ovog zakona.

Član 9.

(Ažuriranje podataka u Početnom registru)

- (1) Obveznici izvještavanja su dužni, nakon dostavljene ispravke ili/i dopune podataka od strane obveznika ažuriranja, u roku od 60 dana, izvršiti unos ispravnih podataka odnosno dopuniti nedostajuće podatke u Početnom registru.
- (2) Istekom roka iz stava (1) ovog člana, Početni registar prestaje da postoji.

Član 10.

(Nedostajući podaci u Početnom registru)

U slučaju da u Početnom registru nisu navedene takse i naknade, a obveznici iz člana 6. ovog zakona imaju saznanja o istom, primjenjuje se postupak unosa novih taksi i naknada u Početni registar koji je propisan članom 8. ovog zakona.

IV. JEDINSTVENI REGISTAR

Član 11.

(Jedinstveni registar)

- (1) Jedinstveni registar predstavlja elektronsku bazu podataka u kojoj se prikupljaju, unose i ažuriraju podaci o taksama i naknadama u Federaciji, a utvrđene su zakonima i drugim propisima donesenim na osnovu zakona.
- (2) Jedinstveni registar smatra se uspostavljenim prestankom postojanja Početnog registra.

Član 12.

(Sadržaj Jedinstvenog registra)

Jedinstveni registar sadrži sljedeće opće podatke:

- a) Šifra javnog prihoda;
- b) Naziv javnog prihoda;
- c) Naziv zakona koji reguliše plaćanje takse i naknade, te broj i datum objavljivanja u službenim novinama;
- d) Naziv podzakonskog akta kojim je uređeno plaćanje taksi i naknada, te broj i datum objavljivanja u službenom glasilu;
- e) Obveznik plaćanja;
- f) Iznos i učestalost plaćanja;
- g) Informacije o odredišnom budžetu na koji se plaća pojedinačna taksa i naknada;
- h) Broj uplatnog računa javnog prihoda;
- i) Nivo vlasti nadležan za usvajanje zakona i donošenje propisa kojim se utvrđuje plaćanje taksi i naknada;
- j) Kanton u kojem se plaća pojedinačna taksa i naknada;
- k) Općina/grad u kojem se plaća pojedinačna taksa i naknada.

Član 13.

(Obaveza izvještavanja o izmjeni i dopuni podataka u Jedinstvenom registru)

- (1) Obveznici iz člana 6. ovog zakona koji djeluju na federalnom nivou vlasti, dužni su u roku od sedam dana od dana objavljivanja propisa u „Službenim novinama Federacije Bosne i Hercegovine“, dostaviti Federalnom ministarstvu finansija izmjene i dopune podataka iz Jedinstvenog registra.
- (2) Obveznici iz člana 6. ovog zakona koji djeluju na kantonalnom nivou vlasti, dužni su u roku od sedam dana od dana objavljivanja propisa u službenim novinama kantona, dostaviti kantonalnom ministarstvu finansija izmjene i dopune podataka iz Jedinstvenog registra.
- (3) Obveznici iz člana 6. ovog zakona koji djeluju na nivou vlasti jedinica lokalne samouprave, dužni su u roku od sedam dana objavljivanja propisa na način propisan aktima jedinice lokalne samouprave, dostaviti nadležnoj službi za poslove finansija jedinice lokalne samouprave.
- (4) Obveznici iz člana 6. ovog zakona odgovaraju za tačnost dostavljenih podataka.

Član 14.

(Obaveza ažuriranja podataka u Jedinstvenom registru)

Obveznici ažuriranja su obavezni unijeti izmjene i dopune podataka u Jedinstveni registar, najkasnije u roku od pet dana od dana prijema prijave izmjena i dopuna tih podataka.

V. NADZOR NAD ZAKONOM

Član 15.

(Nadzor nad zakonom)

- (1) Nadzor nad provođenjem odredaba ovog zakona i podzakonskih akata donesenih na osnovu ovog zakona vrši Federalno ministarstvo finansija i budžetska inspekcija, svako u okviru svoje nadležnosti.
- (2) Budžetska inspekcija vrši direktan nadzor nad primjenom odredbi čl. 8., 9., 10., 13. i 14. ovog zakona.

Član 16.

(Nadzor)

- (1) Prilikom obavljanja poslova nadzora iz člana 15. ovog zakona, inspektor ima obavezu da obavijesti Federalno ministarstvo finansija o nepoštivanju odredbi ovog zakona.
- (2) Inspektor ima i pravo da predloži preventivne mjere u cilju sprječavanja povrede ovog zakona i podzakonskog akta donesenog na osnovu ovog zakona.

VI. KAZNENE ODREDBE

Član 17.

(Prekršaji obveznika izvještavanja)

- (1) Novčanom kaznom od 2.000,00 KM do 5.000,00 KM kaznit će se organi uprave i organizacije, i jedinica lokalne samouprave ukoliko ne postupe na način i u roku propisan čl. 8. 10. i 13. ovog zakona.
- (2) Za prekršaje iz stava (1) ovog člana, kaznit će se rukovodilac unutrašnje organizacione jedinice u nadležnom organu novčanom kaznom od 300,00 do 3.000 KM.

Član 18.

(Prekršaji obveznika ažuriranja)

- (1) Novčanom kaznom od 2.000,00 KM do 5.000,00 KM kaznit će se organi uprave i organizacije, i jedinica lokalne samouprave ukoliko ne postupe na način i u roku propisan čl. 9. i 13. ovog zakona.

(2) Za prekršaje iz stava (1) ovog člana, kaznit će se rukovodilac unutrašnje organizacione jedinice u nadležnom organu novčanom kaznom od 300,00 do 3.000 KM.

VII. PRIJELAZNE I ZAVRŠNE ODREDBE

Član 19.

(Podzakonski akt)

Federalni ministar finansija će u roku od 60 dana od dana stupanja na snagu ovog zakona donijeti Pravilnik o uspostavljanju i vođenju Jedinstvenog registra taksi i naknada u Federaciji Bosne i Hercegovine kojim će se detaljnije propisati način uspostavljanja Jedinstvenog registra, ažuriranje i pristup podacima, obrasci, kao i sadržaj Jedinstvenog registra taksi i naknada u Federaciji Bosne i Hercegovine.

Član 20.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Federacije BiH".

O B R A Z L O Ž E N J E

I - USTAVNI OSNOV

Ustavni osnov za donošenje ovog zakona sadržan je u članu III.1. tačka c), koji je izmijenjen Amandmanima VIII, LXXXIX i CVI, i članu IV.A.20.(1) j) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlaštenja predviđena Ustavom, odgovoran je za donošenje zakona kojima se razrezuje porez ili na drugi način osigurava potrebno finansiranje.

II - RAZLOZI ZA DONOŠENJE ZAKONA

Opredjeljenjem Vlade Federacije BiH za provedbu reformi, kroz Reformsku agendu i Akcioni plan za period 2016-2018. godina, u pravcu stvaranja povoljnog poslovnog okruženja, kao poticajnog elementa povećanja, kako direktnih stranih investicija, tako i domaćih ulaganja, kojima se, nadalje, djeluje na privredni rast i makroekonomsko jačanje, prepoznata je posebna nužnost uređenja oblasti neporeznih prihoda, odnosno naknada i taksu, na teritoriji Federacije BiH, uz puno poštivanje ustavnih nadležnosti i saradnje sa nižim nivoima vlasti.

Shodno Ustavu Federacije Bosne i Hercegovine, nadležnost za samostalno uvođenje naknada i taksu dodijeljena je svakom od tri nivoa vlasti u Federaciji BiH, čime se osiguravaju sredstva za finansiranje aktivnosti iz djelokruga federalnih, kantonalnih i općinskih/gradskih vlasti i njihovih institucija. Složenost ustavnih nadležnosti, izuzetna obimnost naknada i taksu, koje se naplaćuju na teritoriji Federacije BiH, neharmonizirana visina istih na cijelom prostoru, povećan broj obaveznih plaćanja za pravna i fizička lica, kao i stalno uvođenje novih obaveza bez posebnih sistemskih rješenja, predstavlja jedan od značajnijih destimulirajućih faktora za poslovno djelovanje, kako novih potencijalnih investitora, tako i za povećanje obima poslovanja postojećih subjekata na teritoriji Federacije BiH.

Vodeći se iznesenim činjenicama, Federalno ministarstvo finansija je, uz tehničku podršku USAID-ovog projekta Reforme fiskalnog sektora (FAR), kao i uz saradnju sa nadležnim institucijama nižih nivoa vlasti u Federaciji BiH u proteklom periodu aktivno radilo na sveobuhvatnom prikupljanju podataka o naknadama i taksama, što je rezultiralo pripremljenim interaktivnim Registrom taksu i naknada u Federaciji BiH. Navedenim Registrom strukturiranom prema: vrsti i visini naknada i taksu koje se naplaćuju, zakonodavnom okviru na osnovu kojeg je utvrđeno plaćanje, obvezniku plaćanja, načinu uplate, te pripadnosti naplaćenih javnih prihoda, na jednom mjestu su transparentno objedinjene sve relevantne informacije, kako za poslovne subjekte i građane (obveznike plaćanja), tako i za predlagače i donosioce javnih politika u ovoj oblasti.

Vlada Federacije BiH je na 130. sjednici, održanoj 24.11.2017. godine, usvojila interaktivni Registar, sa Uputstvom za korištenje, a isti je i zvanično objavljen na web stranici Federalnog ministarstva finansija.

Kako bi se pojednostavilo korištenje Registra, kako u postupku pretrage podataka od strane obveznika plaćanja i drugih zainteresiranih strana, tako i u procesu administriranja istog, trenutno je u završnoj fazi njegova pretvorba u web aplikaciju.

S obzirom da objavljeni interaktivni Registar kao i njegova web aplikacija, predstavljaju pregled svih naknada i taksi, zatečenih na određeni dan zadnjeg unosa podataka (početni registar), a da je oblast podložna promjenama, kako u domenu pravnog okvira, koji reguliše uvođenje i naplatu naknada i taksi, tako i na polju određivanja visine pojedinih davanja, za funkcionalno vođenje Registra neophodno je redovno ažuriranje istog na osnovu propisanog obrasca, koji će popunjavati predlagači, odnosno obrađivači akata, kojima se uvode, mijenjaju ili ukidaju naknade i takse.

Redovno ažuriranje je predviđeno u dvije faze, prvoj, kao provjera, izmjena i/ili dopuna podataka zatečenih u početnom Registru, na osnovu kojeg bi u narednoj fazi bio uspostavljen Jedinstveni registar taksi i naknada u Federaciji BiH, kao elektronska baza podataka, u koju će se redovno vršiti prikupljanje i unos novih i ažuriranih podataka o naknadama i taksama.

Kako bi se pružio pravni osnov već kreiranom i objavljenom Registru taksi i naknada u Federaciji BiH, kao i podrška redovnom ažuriranju i održivosti Jedinstvenog registra taksi i naknada, predlaže se Zakon o jedinstvenom registru taksi i naknada u Federaciji Bosne i Hercegovine.

Prijedlogom zakona uvodi se jednoobraznost u postupku uspostave i ažuriranja Jedinstvenog registra, kojim se osigurava transparentnost svih informacija na jednom mjestu, a u cilju pojednostavljenja poslovnog djelovanja svih postojećih privrednika i potencijalnih investitora. Zakon ne mijenja poziciju niti jednog aktera, odnosno nivoa vlasti u Federaciji BiH u pogledu Ustavom dodijeljenih nadležnosti za donošenje propisa u oblasti naknada i taksi, čime isti osiguravaju dostatan izvor sredstava za finansiranje dodijeljenih funkcija, niti im suštinski dodjeljuje nove obaveze.

Kada se sa posebnom pažnjom obrati pozornost na pravo jedinica lokalne samouprave na odgovarajuće vlastite izvore finansiranja i slobodno raspolaganje istim, zagarantovano Evropskom poveljom o lokalnoj samoupravi („Službene novine RBiH“, broj: 31/94) i članom 34. Zakona o principima lokalne samouprave Federacije BiH („Službene novine Federacije BiH“, broj: 33/16), odredbama Prijedloga zakona niti u jednom dijelu se ne mijenja njihova trenutna pozicija i pravo na odgovarajuće vlastite finansijske izvore, kojima lokalni organi mogu slobodno raspolagati u okviru svojih nadležnosti.

Samom objavom postojećeg Registra taksi naknada u Federaciji BiH strukturiranog, kako je već istaknuto, prema vrsti naknada i taksi koje se naplaćuju, zakonodavnom okviru, obveznicima plaćanja, načinu uplate i pripadnosti prihoda, poslovnim subjektima i građanima pružene su transparentne, objedinjene informacije na jednom mjestu. Donošenjem Zakona o uspostavi jedinstvenog registra taksi i naknada u Federaciji Bosne i Hercegovine, daje se pravna podrška objavi Jedinstvenog registra, pomoću kojeg će svaki potencijalni investitor, koji započne poslovnu djelatnost na bilo kojem dijelu Federacije BiH, unaprijed imati jednostavan, transparentan i jasan pristup svim potrebnim podacima i informacijama, čime će mu se pružiti jači osjećaj sigurnosti u poslovanju.

Imajući u vidu dosadašnje napore određenog broja, najčešće finansijski jačih, jedinica lokalne samouprave u Federaciji BiH, da vlastitim naporima, potencijalnim

ulagačima prezentiraju jasnu sliku o uslovima poslovanja na teritoriji njihove općine/grada, te privuku što veći broj istih, Jedinствeni registar, odnosno predloženi zakonski akt, kojim se uspostavlja Jedinствeni registar, osigurao bi jedan takav pregled za sve jedinice lokalne samouprave i time ih doveo u ravnopravan položaj na putu privlačenja investitora.

Osim što pruža sve relevantne informacije za obveznike plaćanja, Jedinствeni registar će omogućiti i obrađivačima, predlagačima i donosiocima politika u ovoj oblasti, na svakom nivou vlasti, filtriranje značajnih informacija u procesu predlaganja eventualnih izmjena postojećih, odnosno pripreme novih rješenja u ovoj oblasti.

Transparentnim prikazom stanja na teritoriji cijele Federacije BiH, te težnjom svake općine/grada da kreira što kvalitetnije poslovno okruženje i time potakne ekonomski rast u svojoj lokalnoj zajednici, po uzoru na „najbolje među njima“, Jedinствeni registar će poslužiti kao značajan pokretač provođenja reformi u ovoj oblasti, od strane svakog aktera, u skladu sa njegovim ustavnim nadležnostima. Na ovaj način potakao bi se jednakomjeren razvoj i jačanje svih dijelova Federacije BiH, što je, uzimajući u obzir trenutno stanje, kojim je pogođena Bosna i Hercegovine, a time i Federacija BiH značajan faktor smanjenja demografskog odliva stanovništva.

III - USKLAĐENOST SA PROPISIMA EVROPSKE UNIJE, EVROPSKIM PRINCIPIMA I STANDARDIMA

Nakon uvida u primarne i sekundarne izvore prava Evropske unije i analize odredbi nacrtu Zakona o jedinstvenom registru taksi i naknada ustanovljeno je da trenutno ne postoje važeće direktive koje uređuju predmetni zakon. Stoga, imajući u vidu obavezu propisanu odredbom člana 3. stav (2) Uredbe o Uredu Vlade Federacije Bosne i Hercegovine za zakonodavstvo i usklađenost sa zakonodavstvom Evropske unije („Službene novine Federacije BiH“, broj: 49/07), na propisanom obrascu smo sačinili Izjavu o usklađenosti, a Uporedni prikaz nismo iz navedenih razloga.

IV - OBRAZLOŽENJA PREDLOŽENIH RJEŠENJA U ZAKONU

Zakon o jedinstvenom registru taksi i naknada u Federaciji BiH sastoji se iz sedam poglavlja i to: (1) Opće odredbe, (2) Obveznici uspostave, ažuriranja, izvještavanja i vođenja registra, (3) Početni registar, (4) Jedinствeni registar, (5) Nadzor nad zakonom, (6) Kaznene odredbe i (7) Prelazne i završne odredbe. Svako poglavlje je jasnije precizirano kroz članove.

Članom 1. uređuje se predmet zakona, u smislu da se ovim propisom reguliše uspostava, ažuriranje i vođenje Jedinствenog registra o taksama i naknadama koje su utvrđene na osnovu federalnih ili kantonalnih propisa, te propisa jedinica lokalne samouprave.

Članom 2. uređuje se hitnost upisa izmjena u Jedinствeni registar u cilju tačnosti i ispravnosti podataka u registru.

Članom 3. uređuju se principi registra kroz prepoznavanje značaja principa zakonitosti, transparentnosti i jednoobraznosti podataka u Registru.

Čl. 4., 5. i 6. uređuju se obveznici uspostave i vođenja registra, obveznici ažuriranja i obveznici izvještavanja u svrhu definiranja linija odgovornosti za tačnost i ispravnost podataka u Registru.

Članom 7. uređuje se pravni značaj uspostavljenog Početnog registra koji će poslužiti kao osnov za uspostavljanje Jedinštenog registra.

Članom 8. uređuje se postupak provjere podataka sa aspekta tačnosti i ispravnosti svih podataka u Početnom registru za sve nivoe vlasti od strane obrađivača propisa.

Članom 9. uređuje se postupak ažuriranja podataka od strane odgovornih lica obveznika izvještavanja u bazi podataka Početnog registra.

Članom 10. uređuje se postupak unosa novih podataka o taksama i naknadama koje nisu unesene u Početni registar, a postoje.

Članom 11. uređuje se uspostavljanje Jedinštenog registra kao baze podataka i prestanak važenja Početnog registra koji je prerastao u Jedinstveni registar.

Članom 12. uređuje se sadržaj Jedinštenog registra definirajući opće podatke, a s obzirom da je u pitanju baza podataka (softver) koja će se vremenom proširivati ostavljena je mogućnost da se kroz podzakonski akt dopunjavaju potrebni podaci u svrhu tačnosti i potpunosti Jedinštenog registra.

Članom 13. uređuje se postupak ažuriranja podataka od strane odgovornih lica obveznika izvještavanja u bazi podataka Jedinštenog registra.

Članom 14. uređuje se obaveza ažuriranja Jedinštenog registra.

Članom 15. uređuje se odgovornost nad provođenjem ovog zakona i nadzor od strane budžetskih inspekcija.

Članom 16. uređuje se obaveza izvještavanja od strane budžetske inspekcije o nepoštivanju ovog zakona.

Čl. 17. i 18. uređuju se iznosi novčanih prekršaja za lica koja su obavezna dostavljati podatke.

Članom 19. uređuje se donošenje podzakonskog akta.

Članom 20. uređuje se stupanje na snagu ovog zakona.

V - FINANSIJSKA SREDSTVA

Za provođenje ovog zakona nisu potrebna dodatna sredstva u Budžetu Federacije BiH.